

Brim hf.  
Jörgen Sverrisson - Vopnafirði  
Norðurgarði 1  
101 Reykjavík

Reykjavík, 6. desember 2019  
UST201901-307/gf  
08.10.02

### Varðar reglubundið eftirlit 2019 – fiskimjölsverksmiðja Brim - áður HB Grandi - Vopnafjörður

Þann 17. október sl. fór fram eftirlit í fiskimjölsverksmiðju Brims á Vopnafirði. Í samræmi við 57. grein reglugerðar nr. 550/2018 um losun frá atvinnurekstri og mengunarvarnaeftirlit sendist meðfylgjandi eftirlitsskýrsla.

Tvær athugasemdir voru gerðar sjá meðfylgjandi eftirlitsskýrslu. Eitt frávik frá kröfum í starfsleyfi fannst í eftirliti. Skoða þarf staðsetningu neyslugeyma og huga að árekstrarvörnum. Eins að bæta lekavarnir neyslugeymisins.

Umhverfisstofnun óskar í því sambandi eftir tímasettri áætlun um úrbætur á framangreindu atriði í samræmi við 58. grein reglugerðar nr. 550/2018 og að áætlunin berist stofnuninni eigi síðar en 28. desember 2019.

Virðingarfyllst,



Gottskálk Friðgeirsson



Hella Einarsdóttir  
teymisstjóri

Afrit: Heilbrigðisnefnd Austurlandssvæðis

# EFTIRLITSSKÝRSLA

Brim (áður H.B Grandi) Vopnafirði Vopnafjörður



UMHVERFISSTOFNUN

Dags eftirlits	17.10.2019	Ábyrgðarmaður eftirlits	Gottskálf Friðgeirsson
Fyrirtæki	Brim (áður H.B Grandi) Vopnafirði	Eftirlitsmaður	Dröfn Svanbjörnsdóttir
Heimili	Hafnarbyggð 7	Tegund eftirlits	Framselt eftirlit
Kennitala	5411850389	Flokkur	Fiskimjölsverksmiðja
Fulltrúi fyrirtækis	Jörgen Sverrisson	ÍSAT nr.	15.20.7
Fulltrúi fyrirtækis		Staðsetning	691171,367 590414,525

## NIÐURSTAÐA EFTIRLITS

Eitt frávik var staðfest í eftirlitsferðinni er varðar skort á mengunarvörnum við neyslugeyma fyrir eldsneyti.

Tvær athugasemdir voru gerðar, annars vegar er varðar geymslu efnavöru og hins vegar skort á upplýsingagjöf til eftirlitsaðila vegna breytingu á úrbótum rekstraraðila við hreinsivirki starfstöðvar.

## UMFANG EFTIRLITS

Eftirlitið var framkvæmt af Heilbrigðiseftirliti Austurlands samkvæmt samningi þar um. Eftirlitsmenn voru Dröfn Svanbjörnsdóttir og Leifur Þorkelsson.

Eftirlitsheimsóknin hófst á fundi með fulltrúa fyrirtækisins. Á fundinum var farið yfir síðustu eftirlitsskýrslu, rætt um starfsemina á árinu og rýnt í ákveðnar greinar í starfsleyfi fyrirtækisins. Farið var yfir drög að áhættumati með starfseminni en skv. reglugerð 550/2018 skal Umhverfisstofnun byggja tíðni vettvangsheimsókna sem fellur undir eftirlit stofnunarinnar á kerfisbundnu áhættumati. Niðurstaða áhættumatsins verður notuð sem grunnur við gerð eftirlitsáætlunar 2020. Farið var yfir leiðbeiningar um tilkynningar vegna mengunaróhappa. Að lokum var farið í skoðun um verksmiðjuna og athafnasvæði hennar.

Í eftirlitsskýrslu vegna síðustu eftirlitsheimsóknar kom fram eitt frávik frá starfsleyfi. Ekki var tilkynnt um mengunaróhapp sem varð í verksmiðjunni þegar fita fór í sjóinn vegna ofálags á hreinsivirki starfstöðvar. Óskað var eftir tímasettri áætlun um úrbætur á framangreindu atriði. Frestur var veittur til 19.2.2019. Úrbótaáætlun rekstraraðila barst til stofnunarinnar 4.2.2019 þar sem fram kom að þriðja þrepinu í fleytingu á fitu yrði bætt við hreinsivirkið til að koma í veg fyrir ofálag. Áætlað var að framkvæmdum yrði lokið 1.7.2019. Í eftirlitsferðinni kom fram að í stað þess að bæta við þriðja þrepinu var brugðist við með þeim hætti að draga úr vatnsnotkun í frystihúsinu og minnka þannig álagið á hreinsivirkið þegar til dæmis er unnið með fituríkt hráefni, þ.e. sett voru færribönd undir flökunarvél þannig nú eru bein og afskurðir flutt með færriböndum en ekki fleytingu.

Eftirfarandi gögnum frá síðustu vettvangsheimsókn hefur verið skilað til eftirlitsaðila:

Grænu bókhaldi fyrir árið 2018, sbr. gr. 3.3 í starfsleyfi, var skilað í mars sl.

Yfirlýsing þar sem fram kom að magn mengandi efna fyrir árið 2018 hafi verið undir kröfum í viðauka við reglugerð um útstremisbókhald, sbr. gr. 3.3 í starfsleyfi, var skilað í janúar sl.

Magn mengandi efna í frárennsli var síðast mælt á loðnuvertíð í febrúar 2018 og samkvæmt skýrslu verkfræðistofunnar Verkís mældist magn mengandi efna í öllum tilfellum innan losunarmarka. Fram kom í eftirliti að áætlað er að framkvæma frárennismælingar fyrir 2019 í nóvember þegar verksmiðjan er í fullum afköstum.

TVN gildi er mælt daglega og niðurstöðum skilað reglulega. Þann 28. maí sl. mældist TVN yfir viðmiðunarmökum og var tilkynnt um atvikið í samræmi við grein 2.9. í starfsleyfi. Í tilkynningunni kom jafnframt fram að vindátt hafi verið hagstæð á meðan vinnslu hráfnisins stóð.

Farið var yfir skráningar sem fram koma í gr. 3.1 í starfsleyfi. Mikið af þeim skráningum er að finna í grænu bókhaldi fyrirtækisins fyrir árið 2018.

Engar kvartanir hafa borist vegna starfseminnar né hafa mengunaróhöpp átt sér stað frá síðustu vettvangsheimsókn.

Hreinlætisáætlun, sbr. gr. 2.23 í starfsleyfi, var fyrirbyggjandi hjá fyrirtækinu.

Þjónustuaðilar sjá um tæmingu á fitugildru eftir þörfum sem og flutning á úrgangsolíu. Staðfesting flutningsaðila voru fyrirbyggjandi hjá fyrirtækinu.

Viðbragðsáætlun og umhverfismarkmið í samræmi við gr. 4.1 og 4.4 í starfsleyfi voru fyrirbyggjandi hjá fyrirtækinu. Umhverfismarkmið fyrirtækisins hafa verið endurskoðuð í ár og voru send stofnuninni 15.11.2019. Verið var að vinna í að uppfæra viðbragðsáætlun fyrirtækisins með hliðsjón af leiðbeiningum Umhverfisstofnunar um tilkynningar vegna mengunaróhappa.

Að fundi .loknum var haldið í skoðunarferð um verksmiðjuna og athafnasvæði hennar. Eftirfarandi kom fram á vettvangi.

Hreinsivirki starfstöðvar og umhverfi fituskilju var skoðað.

Varasöm efnavara, s.s. vítissódi og saltþéturssýra, voru geymd innandyra innan girðingar ekki á lekabyttum. Öryggisblöð fyrir efnin voru til staðar. Niðurföll eru á gólfí geymslusvæðisins.

Ástand olúgeyma til afgreiðslu á ökutæki voru skoðuð. Um var að ræða einfalda stálgeyma fyrir vélaolíu. Undirlagið var malbikað en engar árekstrarvarnir voru fyrir hendi.

#### Frávik frá

#### Lýsing á fráviki

gr. 41 í reglugerð nr. 884/2017 um kröfur til neyslugeyma

Rekstraraðili skal tryggja öruggar mengunar-, árekstrar-, eld- og slysavarnir við reksturs neyslugeyma. Koma þarf upp árekstrarvörnum og vegna staðsetningu olúgeymanna og skort á lekavörnum ættu þeir að vera tvöfaldir.

#### ÁBENDINGAR

1. Upphaflega hafði staðið til að bæta við þriðja þæpinu á hreinsivirki fyrirtækisins samkvæmt úrbótaáætlun rekstraraðila dags. 4.2.2019 en frá því var horfið og sú leið farin að draga úr vatnsnotkun í frystihúsinu. Rekstraraðili skal upplýsa Umhverfisstofnun um breytingu á úrbótum.

2. Tryggt skal að varasöm efnavara berist ekki í niðurföll. Takmarka þarf mengunarhættu eins og völ er á og skulu efni því standa á lekabyttum eða að lágmarki þekja niðurföll og hafa ídræg efni við höndina ef efni spillist eða er losað fyrir slysi.

#### ANNAÐ

Nú þegar rekstraraðili heitir orðið Brim hf. skal uppfæra áætlanir og gögn sem krafist er í starfsleyfi að liggja fyrir.

Nota Brim hf. í stað HB Granda.

1 Frávik: Framkvæmd telst ekki í samræmi við kröfur sem settar eru fram í starfsleyfi, lögum eða reglugerðum.

2 Athugasemd: Ástand sem eftirlitsmaður telur vert að vekja athygli á í þágu heilsuverndar, umhverfisverndar og öryggis en sem ekki geta talist frávik.

06.12.2019



Gottskálk Friðgeirsson